



JADUAL KHUTBAH JUMAAT SIRI 2/ 2022

(Bulan Februari 2022)

Bil.	Tajuk	Tarikh	Muka Surat
1.	WIRA UMAT TAK DIDENDANG	4 Februari 2022M/ 2 Rejab 1443H	3
2.	KERJAYA ADALAH GUDANG PAHALA	11 Februari 2022M/ 9 Rejab 1443H	8
3.	PERKUKUH INSTITUSI TAHFIZ	18 Februari 2022M/ 16 Rejab 1443H	13
4.	CURANG DI LEMBAH REZEKI	25 Februari 2022M/ 23 Rejab 1443H	18
KHUTBAH KEDUA			23

Percetakan dibiayai:



زكاة قولاو فينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Curang di Lembah Rezeki

(25 Februari 2022M / 23 Rejab 1443H)

الْحَمْدُ لِلَّهِ الَّذِي شَرَعَ الْأَحْكَامَ فَبَيَّنَّ الْحَلَالَ وَالْحَرَامَ،
وَأَمَرَ بِالصَّالِحَاتِ وَنَهَى عَنِ الْآثَامِ.
أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ،
حَرَّمَ الْفَوَاحِشَ مَا ظَهَرَ مِنْهَا وَمَا بَطَنَ،
وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ، أَتَقَى خَلْقَ اللَّهِ فِي السِّرِّ وَالْعَلَنِ،
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.
فَيَا عِبَادَ اللَّهِ، اتَّقُوا اللَّهَ حَقَّ التَّقْوَى أَوْصِيَكُمْ وَنَفْسِي بِتَقْوَى اللَّهِ فَقَدْ فَازَ مَنْ
اتَّقَى.

SIDANG JUMAAT YANG DIRAHMATI ALLAH SEKALIAN,

Khatib menyeru di atas mimbar yang mulia ini supaya para jemaah sekalian takut kepada Allah *عَزَّ وَجَلَّ*, mudahan-mudahan kehidupan kita di dunia berada dalam landasan syariat dan matinya kita nanti dalam redha Allah *سُبْحَانَهُ وَتَعَالَى*.

Sebelum melanjutkan bicara, suka khatib memberi peringatan. Marilah kita berikan sepenuh tumpuan kepada isi kandungan khutbah hari ini. Sedarlah bahawasanya perbuatan berbual-bual, bermain telefon bimbit atau tidur dengan sengaja adalah perbuatan sia-sia yang boleh menjejaskan kesempurnaan meraih ganjaran pahala. Mimbar pada hari ini membicarakan khutbah bertajuk: “**Curang di Lembah Rezeki**”.



SIDANG JUMAAT YANG DIRAHMATI ALLAH SEKALIAN,

Islam melalui syariatnya yang syumul tidak pernah menghalang kita bersosial, *bermu'amalah* dan berurusan dengan sesiapa pun. Mereka ini termasuklah dalam kalangan pelanggan kita, tetamu, rakan sejawat dan sebagainya. Namun, agama Islam telah meletakkan batasan dalam pergaulan, lebih-lebih lagi antara lelaki dengan wanita yang bukan mahram. Hikmahnya tidak lain, hanyalah demi menyelamatkan kita daripada terjerumus melakukan perkara-perkara tidak senonoh yang membuka kepada maksiat yang lebih besar.

SIDANG JUMAAT SEKALIAN,

Tempat kita mencari rezeki yang halal untuk menafkahkan diri dan keluarga adalah tempat yang mulia di sisi agama. Para Rasul عَلَيْهِمُ السَّلَام dan para *Salafussoleh* juga turut membanting tulang empat kerat, bekerja demi kelangsungan hidup. Namun, mereka juga sentiasa memelihara diri daripada melakukan maksiat di mana sahaja mereka berada. Nabi صَلَّى اللَّهُ عَلَيْهِ وَسَلَّمَ bersabda yang bermaksud:

“Jika seseorang keluar bekerja (mencari sara hidup) untuk anak yang masih kecil, maka dia telah berusaha ke jalan Allah, jika dia keluar bekerja untuk dua ibu bapanya yang sudah tua, maka dia telah berusaha ke jalan Allah dan jika dia keluar bekerja untuk nafkah dirinya sendiri supaya dia tidak meminta-minta, maka itu pun berjuang di jalan Allah. Tetapi apabila dia bekerja kerana untuk riak dan bermegah-megah, maka dia berjuang di jalan syaitan.”

(Hadis Riwayat at-Thabrani)

SAUDARAKU YANG DIRAHMATI ALLAH SEKALIAN,

Kehadiran wanita di pejabat, pusat-pusat perniagaan, perkhidmatan kesihatan dan pelbagai lapangan pekerjaan lagi sudah menjadi adat di negara kita. Namun, setiap mukmin yang bekerja mestilah berikhtilat dan bermuamalah, atau berurusan dengan had yang telah dibenarkan syarak. Jangan sesekali membuka



ruang maksiat dan melanggar tatasusila. Hal ini kerana nafsu dan syaitan sama sekali tidak melepaskan peluang menggoda kita untuk berbuat dosa. Allah ﷻ berfirman:

وَمَا أُبْرِيْ نَفْسِيْ اِنَّ النَّفْسَ لَأَمَّارَةٌ بِالسُّوْءِ اِلَّا مَا رَحِمَ رَبِّيْ اِنَّ رَبِّيْ غَفُوْرٌ رَّحِيْمٌ ﴿٥٣﴾

Maksudnya: “Dan tiadalah aku berani membersihkan diriku; Sesungguhnya nafsu manusia itu sangat menyuruh melakukan kejahatan, kecuali orang-orang yang telah diberi rahmat oleh Tuhanku (maka terselamatlah ia dari hasutan nafsu itu). Sesungguhnya Tuhanku Maha Pengampun, lagi Maha Mengasihani”. (Surah Yusuf: 53)

Imam al-Maraghi dalam tafsirnya berkenaan ayat ini mengatakan bahawa: “Sesungguhnya nafsu manusia itu sering menyuruh melakukan kejahatan kerana padanya terdapat pelbagai dorongan kemahuan zahir dan batin, apatah lagi telah diletakkan padanya pelbagai kekuatan dan alat untuk mencapai kenikmatan, termasuk kecenderungan yang dibebaskan syaitan.”

SIDANG JUMAAT YANG DIRAHMATI ALLAH SEKALIAN,

Khatib ingin mengajak saudara sekalian untuk memerhatikan perkara berikut:

Pertama: Jagalah maruah diri dan keperibadian mukmin di tempat kita bekerja. Jangan terlalu bebas bergaul dengan rakan yang tidak sama jantina, seperti keluar makan dan berkenderaan berdua-duaan atas nama tugas.

Kedua: Keluarlah bekerja kerana Allah ﷻ dan bukan kerana niat yang serong.

Sekiranya berada di posisi suami, sentiasalah beringat dan sedar bahawa kita mempunyai tanggungjawab terhadap norma dan nilai dalam perkahwinan. Jagalah batasan dalam pergaulan. Sekiranya berstatus isteri, maka wajiblah

sentiasa menyedari bahawa dia keluar bekerja dengan keizinan dan kepercayaan suaminya.

Ketiga: Jangan bergurau melampaui batas di tempat kerja seperti bertepuk tampar antara lelaki dan wanita, dan bergurau berkaitan hubungan intim.

Keempat: Jangan menceritakan masalah rumah tangga kepada rakan sekerja terutama sekali kepada mereka yang tidak berakhlak baik. Hal ini boleh menyebabkan mereka mengambil peluang dengan masalah yang dihadapi. Jadi, berceritalah kepada orang yang betul dan berautoriti seperti kaunselor demi menjaga kerukunan rumah tangga dan mengelakkan keburukan yang lebih besar.

Kelima: Setiap mukmin harus berpegang dengan prinsip keberkatan rezeki. Justeru saudaraku sekalian, jauhilah perbuatan maksiat seperti berikhtilat atau bergaul bebas sesama rakan sekerja. Jangan ambil peluang masa bekerja untuk memujuk rayu, membuat hubungan secara maya atau fizikal, apatah lagi menjerumuskan diri dalam kancah zina. Sesungguhnya keberkatan rezeki tidak akan hadir kerana tempat yang asalnya mulia telah dikotori dengan dosa.

Firman Allah dalam Surah al-A'raf ayat 96:

وَلَوْ أَنَّ أَهْلَ الْقُرَىٰ ءَامَنُوا وَاتَّقَوْا لَفَتَحْنَا عَلَيْهِم بَرَكَاتٍ مِّنَ السَّمَاءِ وَالْأَرْضِ
وَلَكِن كَذَّبُوا فَأَخَذْنَاهُم بِمَا كَانُوا يَكْسِبُونَ ﴿٩٦﴾

Maksudnya: “Dan (Tuhan berfirman lagi): Sekiranya penduduk negeri itu, beriman serta bertakwa, tentulah Kami akan membuka kepada mereka (pintu pengurniaan) yang melimpah-limpah berkatnya, dari langit dan bumi. Tetapi mereka mendustakan (Rasul Kami), lalu Kami timpakan mereka dengan azab seksa disebabkan apa yang mereka telah usahakan.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فُوزَ الْمُسْتَغْفِرِينَ، وَأَنْتَ أَرْحَمَ الرَّاحِمِينَ.



Khutbah Kedua Bulan Februari

2022M/ 1443H

الْحَمْدُ لِلَّهِ عَلَى آلَائِهِ إِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِشَأْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطَنَ، عَنِ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama dan negara. Ya Allah! Janganlah Engkau balakan kami di atas kedurjanaan sebahagian daripada orang-orang bodoh dari kalangan kami.

عِبَادَ اللَّهِ: إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَائِي ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٩﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿٢٥﴾